


Candidate Name: _____

--	--



2017 Preliminary Examination 2

Pre-university 3

BAHASA DAN KESUSASTERAAN MELAYU
Kertas 1 (Bahagian 2)

9565/1
(Part 2)

MALAY LANGUAGE AND LITERATURE
Paper 1 (Part 2)

29 Aug 2017

2 hours 15 min
(Total Time for Part 1 and Part 2)

Additional Materials: Answer Paper
 String

ARAHAN UNTUK CALON

Sila lihat arahan yang terdapat dalam Bahagian 1.

ARAHAN: Jawab SEMUA soalan.

BAHAGIAN A (5 markah)

Arahan: Dalam petikan karangan di bawah ini terdapat 5 tempat kosong. Isi setiap tempat kosong ini dengan perkataan yang sesuai mengikut konteks petikan karangan tersebut. Kemudian, tulis jawapan kamu mengikut susunan perkataan dalam petikan karangan pada kertas jawapan yang disediakan.

Kejadian pengganasan yang berlaku di beberapa tempat di dunia kebelakangan ini menekankan bahawa pengganasan kekal sebagai ancaman sejagat. (1)_____ sebuah hab kewangan dan peserta pergabungan antarabangsa menentang pengganasan, negara ini merupakan sasaran nilai tinggi. Pemerintah Singapura semakin giat mempertingkatkan (2)_____ bagi menyedarkan masyarakat tentang risiko keselamatan. Salah satu daripadanya ialah gerakan nasional SGSecure yang telah (3)_____, bagi mempersiapkan rakyat Singapura untuk mencegah dan menangani kejadian pengganasan sekiranya ia (4)_____. Warga Singapura digalakkan memuat naik dan membiasakan diri menggunakan aplikasi SGSecure, dan memanfaatkannya sebagai alat bantuan utama semasa kecemasan. Jumlah penangkapan berhubung pengganasan yang telah meningkat di negara ini juga membuktikan bahawa pemerintah mengambil pendekatan yang sangat (5)_____. Jelasnya, kerjasama semua pihak adalah sangat penting dalam kita menghadapi ancaman pengganasan pada zaman serba canggih ini.

BAHAGIAN B (30 markah)

Arahan: Baca petikan karangan di bawah ini dengan teliti.

Menghargai dan Menghormati Kepelbagaian Budaya

Oleh Noraziah Mohd Amin
Jun 2016

“Biar mati anak, jangan mati adat” merupakan peribahasa yang menekankan betapa adat resam dan amalan tradisi sangat dititikberatkan dalam masyarakat Melayu. Secara amnya, adat resam merupakan sebahagian daripada budaya bangsa atau etnik, yang turut melambangkan identiti sesebuah komuniti. Dalam kelompok sesebuah komuniti itu pula, budaya mencerminkan **jati diri** seseorang individu sebagai sebahagian daripada anggota masyarakat tertentu.

Dalam kehidupan masyarakat berbilang kaum, setiap individu seharusnya peka dengan kewujudan budaya yang pelbagai dan tidak menggunakan alasan perbezaan sebagai punca yang menghalang pergaulan antara kaum. Malah, budaya sebenarnya dapat memainkan peranan sebagai medium untuk merapatkan hubungan masyarakat berbilang kaum melalui perkongsian. Perkongsian amalan tradisi dan adat resam, terutamanya bagi kaum yang serumpun, dapat mengurangkan jurang perbezaan, seandainya hal ini dihayati. Sebagai contoh, pengantin Melayu dan India mempraktikkan amalan memakai inai di jari dan mengunyah sirih pada waktu senggang. Persamaan yang wujud dalam perbezaan ini mampu menyemaikan semangat kekitaan dalam kalangan masyarakat. Hal ini mampu menghapuskan sikap etnosentrik, iaitu kecenderungan untuk menganggap masyarakat dan budaya sendiri lebih unggul daripada yang lain. Sikap individualistik sebegini hanya akan menghalang toleransi.

Setiap individu perlu membuang rasa prejudis atau persepsi negatif terhadap kaum lain. Syak wasangka yang berlandaskan perkauman boleh mewujudkan diskriminasi kaum yang seterusnya mengundang perbalahan dalam kalangan masyarakat. Sikap berkaitan xenofobia ini, iaitu rasa fobia, takut atau benci terhadap orang asing, termasuk yang berlainan kaum, dapat membunuh kepercayaan terhadap bangsa lain. Keadaan ini akan menyulitkan perpaduan kaum.

Sekitaran sosial yang kondusif adalah perlu bagi menggalakkan interaksi antara pelajar pelbagai kaum, agama dan budaya. Hal ini dapat direalisasikan melalui penubuhan pelbagai kelab dan aktiviti kokurikular yang bercirikan kebudayaan di sekolah-sekolah dan institusi pendidikan. Pertandingan tarian tradisional, seni kraf tangan, permainan alat muzik tradisional dan pameran seni masyarakat tempatan yang dianjurkan dapat memberikan pendedahan kepada para pelajar tentang variasi budaya dan rasa ingin tahu untuk lebih memahaminya. Kita seringkali terlepas perhatian bahawa variasi budaya juga menjadi sumber pendapatan negara sebagai daya tarikan pelancong asing untuk berkunjung ke negara ini. Sebagai rakyat, kita harus sentiasa menjaga keharmonian tanah air agar negara akan terus muncul menarik sebagai negara berbilang budaya yang berjaya mengekalkan keharmonian dan kesejahteraannya.

Pihak media perlu lebih versatil untuk **menggalas** tanggungjawab menerajui usaha memupuk penghayatan dan penghargaan terhadap budaya masyarakat setempat. Menayangkan filem dan drama pelbagai bahasa dan bangsa yang mengandungi mesej tentang kepentingan menjaga hubungan baik dan menghormati budaya kaum lain, boleh diusahakan secara lebih kerap. Masyarakat akan mendapat pendedahan yang lebih banyak mengenai budaya dan cara hidup kaum lain, di samping saling mempelajari tentang budaya.

Harus diakui bahawa usaha yang konsisten ke arah memupuk rasa hormat terhadap budaya yang pelbagai menjadi semakin genting kini. Dewasa ini, terdapat salah faham dalam kalangan generasi muda yang telah dikelirukan dan diracuni pemikirannya dengan ideologi agama yang **terpesong**. Demi mengekalkan keamanan sejagat, generasi muda terutamanya, perlu mengamalkan cara pemikiran yang matang tentang kehidupan di sebuah negara berbilang kaum dan tidak terikut-ikut dengan pengaruh golongan pelampau.

(dipetik dan diubah suai daripada 'Menghargai dan Menghormati Kepelbagaian Budaya' oleh Noraziah Mohd Amin, DS, Jun 2016)

Arahan: Berdasarkan petikan karangan di halaman 3, jawab soalan-soalan yang berikut dengan menggunakan ayat kamu sendiri. Kemudian, tulis jawapan kamu pada kertas jawapan yang disediakan.

6 Apakah fungsi budaya dalam sesebuah masyarakat?

(6 markah)

7 Setiap anggota masyarakat perlu mengikis sikap-sikap negatif yang boleh menghalang integrasi kaum. Jelaskan.

(6 markah)

8 Bagaimanakah seni dapat dimanfaatkan sebagai alat memupuk pemahaman terhadap budaya kaum lain?

(6 markah)

9 'Sikap menghormati kepelbagaian budaya dapat menjamin kestabilan sesebuah negara'. Huraikan pernyataan ini.

(6 markah)

10 Terangkan maksud perkataan-perkataan berikut menurut konteks petikan yang diberikan :

(6 markah)

(a) jati diri

(b) menggalas

(c) terpesong

SELESAI